



Sykkylven kommune

Tekniske tenester

Miljøverndepartementet
Pb 8013 Dep
0030 OSLO

Dykkar dato:
Dykkar ref.:

Vår dato: 28.08.2009
Vår ref.: 2009/991-7095/2009
Klassering: 061

Saksbeh.: Njell Hoftun
Telefon: 70 24 67 11

Høyringsuttale - nye retningslinjer for differensiert strandsoneforvaltning

Formål med retningslinjene er oppgitt å stanse nedbygging av strandsona, jfr. pkt 1. i forslaget. Sykkylven kommune oppfatar det å sikre verdifulle natur- og kulturverdiar, og å sikre allmenn tilgang til attraktive friluftsområde som hovudutfordringa i strandsoneproblematikken. Formålet kunne ut frå dette vore formulert tilsvarande, t.d. "å sikre verdifulle natur- og kulturverdiar og allmenn tilgang til gode strandområde no og i framtida". Dette for å fjerne ei indre motsetning vi oppfatar å ligge i høyringsforslaget, der differensiert forvaltning nødvendigvis vil kunne føre til ei viss nedbygging.

I pkt.5 vert det gitt retningslinjer for områder med mindre press på areala. Her vert det opna for ein differensiert arealbruk i strandsona, der ein kan ta lokale omsyn til friluftsverdiar, naturkvalitetar, næringsutvikling, mm. Sykkylven kommune kjem inn i denne gruppa. For Sykkylven kommune les vi dette som at det skal bli lettare å legge til rette for ulik aktivitet i strandsona, og helsar slik sett retningslinjene velkomne.

Moglegheita for å bruke kommuneplan som verktøy for differensiert forvaltning av strandsona, ut frå lokale verdiar og behov, ser vi på som positivt og nødvendig.


Vi ser likevel eit motsetningstilhøve mellom formålet (pkt.1) slik det er formulert i høyringsdokumentet og retningslinjene for områder med mindre press på areala (pkt.5). Dersom utgangspunktet er ei skjerping av byggeforbodet, og formålet er uttrykt å stanse nedbygging av strandsone, kan fylkesstyresmaktene, trass geografisk differensiering, framleis kunne praktisere ei streng haldning også i område med lite press.

Det vert derfor avgjerande for Sykkylven kommune korleis overordna myndigheiter vil praktisere retningslinjene, når det tilsynelatande er eit motsetningstilhøve mellom formål og retningslinjer.

For å halde oppe folketal, gjere oss interessante for nye etablerarar og skape eit godt liv no og i framtida, er aktiv bruk av sjø og strand viktig. Sykkylven kommune er i ein heilt anna situasjon enn Oslofjord-kommunane, både når det gjeld byggepress, tilgjengeleg strandlinje og friluftsbuk. Med tanke på framtidig vekst og utvikling er varsam bruk av delar av strandsona eit gode som bør kunne nyttast.

Ein forventar at det vert gitt reell handlefridom til kommunen, og at lokale avgjerder tufta på godt dokumentert fagleg grunnlag, vert aksepterte.

Med helsing


Ole-Johan Lillestøl
rådmann


Njell Hoftun
planleggar

Kopi til:
Møre og Romsdal fylke Fylkeshuset